

摘藻堂四庫全書薈要

史部

欽定四庫全書叢要

史部

欽定大清會典卷四十六

七

詳校官編修臣繆晉



欽定四庫全書薈要卷八千二百七十五

史部

欽定大清會典卷四十六

禮部

祠祭清吏司

中祀三

凡饗

先農之禮為壇一成於

正陽門外耜田之西歲以仲春吉亥



皇帝躬耕

帝耜南郊迺親饗

先農之神以祈先嗇

先農神位南嚮設黃幄帛一牛一羊一豕一豮一鉶
二簋簋各二邊豆各十尊一爵三琖三十鑪一
鐙二豫日樂部設中和韶樂於壇下分左右懸
祭日鑾儀衛陳法駕鹵簿於

午門外辰時三刻太常卿詣

乾清門告時

皇帝御祭服乘禮輿出宮前引後扈如常儀

駕發警蹕

午門鳴鐘法駕鹵簿前導不陪祀王公百官咸朝服跪送導迎鼓吹設而不作禮部尚書率太常

官恭請

神位安奉黃幄畢贊引太常卿二人恭導

皇帝入壇東門內降輿盥洗由午階陞壇至黃幄次

拜位前北嚮立鴻臚官引陪祀王公百官於壇
下左右序立均北面典儀官贊樂舞生登歌執
事官各供迺職

以下自瘞毛血迎神至送神望瘞皆典儀官唱贊

武舞

八佾進贊引官奏就位

皇帝就拜位立迺瘞毛血迎

神司香官奉香盤進司樂官贊舉迎

神樂奏永豐之章

凡舉樂皆司樂官唱贊後同

贊引官奏就上香

位恭導

皇帝詣香案前立司香官跪進香贊引官奏上香

皇帝立上柱香次三上瓣香奏復位

皇帝復位奏跪拜興

以上行禮
皆有奏

皇帝行三跪九拜禮王公百官均隨行禮奠帛爵行

初獻禮司帛官奉篚司爵官奉爵詣

神位前奏時豐之章舞千戚之舞司帛官跪奠帛三

叩司爵官跪獻爵奠正中皆退司祝至祝案前

跪三叩奉祝版跪案左樂暫止

皇帝跪羣臣皆跪司祝讀祝畢詣

神位前跪安於案三叩退樂作

皇帝率羣臣行三拜禮興樂止武功之舞退文舞八

佾進行亞獻禮奏咸豐之章舞羽籥之舞司爵

官跪獻爵奠於左儀如初獻行終獻禮奏大豐

之章

舞同
亞獻

司爵官跪獻爵奠於右儀如亞獻樂

止文德之舞退太常官贊答福胙光祿卿二人

就東案奉福胙至

神位前拱舉降立於

皇帝拜位之右侍衛二人進立於左

皇帝跪左右執事官皆跪右官進福酒

皇帝受爵拱舉授左官進胙受胙亦如之三拜興率羣臣行二跪六拜禮徹饌奏屢豐之章徹饌畢

送

神奏報豐之章

皇帝率羣臣行三跪九拜禮有司奉祝次帛次饌次

香恭送瘞所

皇帝轉立拜位旁西嚮候祝帛過復位迺望瘞奏慶
豐之章恭導

皇帝降階詣望瘞位望瘞奏禮成恭導

皇帝詣

太歲殿上香畢入具服殿更衣禮部尚書率太常官

恭請

神位還御王公百官出壇西門更衣入恭俟

皇帝行躬耕禮

詳見儀制司

○遣官行禮由壇西門入行

禮於壇下上香時太常贊禮卽贊升壇升降均由東階不飲福受胙王公不陪祭禮成順天府尹率屬行耕藉禮○奉天府尹直省督撫率所屬府州縣均歲以仲春吉亥行耕藉禮各於治所東郊建

先農壇朝服行禮用帛一羊一豕一鉶二簋盞各二
籩豆各四尊一爵三餘儀與直省祭

社稷壇同禮成更采服率屬行耕藉禮

凡饗

先蠶之禮為壇一成於西苑之東北歲以季春吉己
皇后躬親蠶事迺饗

先蠶之神以率女紅

先蠶神位南嚮設黃幄帛一牛一羊一豕一登一鉶
一簋簋各二邊豆各十尊一爵三琖三十鑪一
鐙二豫日樂部率掌儀司內監設樂於壇下左
右祭日鑒儀衛率內監陳

皇后儀駕於

順貞門外辰時五刻太常卿暨內務府總管詣

乾清門告時宮殿監督領侍轉奏

皇后禮服乘鳳輿出宮儀駕前導陪祀

妃

嬪咸乘輿從由

順貞門神武門北上門入陟山門至壇門外降輿

前引女官十人贊引女官二人恭導

皇后由左門入至具服殿

妃

嬪入配殿恭候傳贊女官引公主福晉命婦位於壇下東西面蠶宮令恭請

先蠶神位安奉黃幄畢相儀女官奏請行禮
皇后出具服殿盥洗

妃

嬪隨行贊引女官恭導

皇后由午階陞壇至黃幄次拜位前北嚮立前引女
官十人於階下兩旁序立相儀女官二人隨升
壇左右稍後僉立傳贊女官引陪祀

妃

嬪公主福晉命婦於壇下各就位序立均北面典

儀女官贊執事官各共迺職

以下自迎神至送神皆典儀唱贊

贊引奏就位

皇后就拜位立迺瘞毛血迎

神司香女官奉香盤進司樂女官贊舉迎

神樂奏庥平之章

凡舉樂皆司樂唱贊

贊引奏就上香位恭導

皇后詣香案前司香女官跪進香贊引奏跪

皇后跪奏上香

皇后上柱香次三上辦香奏復位

皇后復位奏跪拜興

以下行禮皆有奏

皇后行六肅三跪三拜禮

妃

嬪以下均隨行禮奠帛行初獻禮司帛女官奉篚
司爵女官奉爵詣

神位前奏承平之章司帛跪奠帛一叩司爵跪獻爵
奠正中皆退行亞獻禮奏均平之章司爵跪獻
爵奠於左儀如初獻行終獻禮奏齊平之章司
爵跪獻爵奠於右儀如亞獻樂止女官一人贊
答福胙奉福胙女官二人就東案奉福胙至
神位前拱舉降立於

皇后拜位之右受福胙女官二人進立於左

皇后跪左右執事女官皆跪右官進福酒

皇后受爵拱舉授左官進胙受胙亦如之行一拜禮

興率

妃

嬪以下行四肅二跪二拜禮徹饌奏柔平之章徹

饌畢送

神奏洽平之章

皇后率

妃

嬪以下行六肅三跪三拜禮執事女官奉帛次饌
次香恭送瘞所

皇后轉立拜位旁西嚮候帛饌過復位迺望瘞樂作
恭導

皇后降階詣望瘞位望瘞奏禮成恭導

皇后至具服殿更衣蠶宮令恭奉

神位還御

皇后乘輿還宮

妃

嬪從公主福晉命婦以次退翼日行

躬桑禮

祥見儀制司

○遣

妃恭代行禮至壇門外降輿由右門入行禮於壇

下上香時贊引女官贊升壇升降皆由東階不

飲福受胙


妃

嬪不陪祀餘儀同翼日蠶宮令監視蠶母蠶婦行


採桑禮○如

皇帝遣官行禮與饗

先農禮同



先農壇耕藉祭祀圖



應池
望座位
官奏掌

御史
御史

御史
御史

諸王
諸王

御史
御史

御史
御史

祭服

祭服

御拜位


御史
御史

御史
御史

正位

案祝

先農壇遣官祭祀圖



先農壇祭祀陳設圖
正位南嚮

三

正位

爵三 爵十 爵酒

銅和羹 簋和羹 銅和羹

遷東 栗 榛 菱

災 膚 餅 餅

鹽 鰕 魚

簋 黍 稷

簋 稻 粱

韭 醢 醢

豆 蠶 醢

豆 蠶 醢

筐帛 俎 牛

豕


羊

燭 香 燭


筐帛 俎 魚

脾析 豚拍

先哲蠡垣總圖



先蠶壇遣官祭祀圖



正位

樽

芡
 鹿脯
 白餅
 黑餅

邊
栗
榛
菱

錫
口
羹
監
鱈
魚

酒

三

三十一

鈕 釵

五

藍
黍
稷

稻梁




豆

黃
鹿
茸
龜

紫沮
魚醢
脾析
豚拍

羊

牛

豕

燭

香

燭

欽定大清會典卷四十六

欽定四庫全書蒼會要卷八千二百七十六

史部

欽定大清會典卷四十七

禮部

祠祭清吏司

中祀四

凡祀

天神之禮為壇一成於

正陽門外設石龕四於壇北皆鏤以雲文以奉

雲師

雨師

風伯

雷師之神均南嚮歲孟夏常雩後如不雨諏日遣官
祇告祈雨

天神位前各陳脯醢果實帛一爵三尊一鑪一鐙二
先祈告一日樂部設中和韶樂於壇下分左右
懸祀日日出前二刻遣官詣壇太常卿率所屬

恭請

神位奉安各龕內贊引太常贊禮卽二人引遣官由
外壝左門入至內壝南左門贊盥洗遣官盥洗
入門至壇下拜位前立鴻臚寺官引陪祀各官
至內壝南門外左右序立均北面典儀官贊樂
舞生登歌執事官各共迺職
以下自迎神至送神均典儀官唱贊
武舞八佾進贊引官贊就位引遣官就拜位立
迺迎

神司香官奉香盤進司樂官贊舉迎

神樂

凡舉樂皆司樂官唱贊

奏祈豐之章贊引官贊升壇引遣

官由東階升詣

雲師香案前司香官跪奉香贊引官贊上香遣官上

柱香次三上辦香以次詣

雨師

風伯

雷師前上香儀同贊復位引遣官降階復位贊跪叩

興

以下行禮
皆有贊

遣官行三跪九叩禮陪祀各官均

隨行禮奠帛初獻爵司帛官奉篚司爵官奉爵
各以次進奏華豐之章舞干戚之舞司帛官跪
奠篚三叩司爵官立獻爵奠正中皆退司祝至
祝案前跪三叩奉祝版跪案左樂暫止遣官以
下皆跪司祝讀祝畢詣

神位前跪安於案三叩退樂作遣官暨陪祀各官行
三叩禮樂止武功之舞退文舞八佾進亞獻奏

興豐之章舞羽籥之舞司爵官獻爵奠於左儀
如初獻終獻奏儀豐之章舞同司爵官獻爵奠
於右儀如亞獻樂止文德之舞退徹饌奏和豐
之章徹饌畢送

神奏錫豐之章遣官行三跪九叩禮陪祀各官均隨
行禮有司奉祝次帛次香恭送燎所遣官轉立
西旁東面候祝帛過復位樂作引詣望燎位望
燎贊引官告禮成引遣官退太常卿率所屬恭

奉

神位還御陪祀官皆退○得雨霑足後諏日遣原祈
官報祀

天神位前各帛一爵三登一鉶一簋二簋二籩十豆
十尊一鑪一鐙二共牛一羊一豕一樂章禮儀
均與祈告同

凡祭

地祇之禮爲

壇一成於

天神壇西設石龕五於

壇南鏤山文者三水文者二以奉

五嶽

五鎮

五陵山

四海

四瀆之祇均北嚮設石龕二於東石龕二於西各鏤

山文者一水文者一東奉

京畿名山

京畿大川之祇西嚮西奉

天下名山

天下大川之祇東嚮歲孟夏常雩後如不雨遣官
祇告祈雨與

天神壇同日舉行壇上北嚮五案東西嚮各一案皆
陳脯醢果實尊一鑪一鐙二每位帛一爵三遣

官入外壝右門由內壝北右門詣拜位陪祀各
官拜於內壝北門外有司奉祝帛香送瘞所引
詣望瘞位望瘞其餘樂章禮儀均與祈告

天神同○得雨報祭

地祇位七案皆登一鉶一簋二簋二籩十豆十尊一
鑪一鐙二每位帛一爵三共牛一羊一豕一餘
與

天神壇報祀同○水潦祈晴冬旱祈雪遣官祇告

天神

地祈既應而報禮亦如之○

皇帝時巡所至

親祭方嶽

嶽神位前帛一牛一羊一豕一登一鉶二簠二簋二
籩十豆十尊一爵三鑪一鐙二先祭一日

行在樂部設中和韶樂於殿外階上分左右懸所司
設大次於戟門外南嚮至日昧爽

行在鑾儀衛陳騎駕鹵簿於

行宮門外扈從王公暨文武官陪祭如常儀地方

文官知府武官副將以上與朝臣陪祭者以其

班序

班詳儀制司

咸采服日出前三刻

行在太常卿詣

行宮告時

皇帝御龍袍袞服乘輿出行宮前引後扈如常儀不

陪祭扈從各官咸集

行宮前跪送

駕發警蹕及

嶽廟不陪祭地方官序列跪迎

皇帝入廟中門至戟門降輿入大次少憩太常卿奏
請行禮

皇帝出大次盥洗贊引太常卿二人恭導

皇帝由戟門中門陞中階入殿中門至拜位前北嚮
立鴻臚官引王公位階上百官位階下左右序

立均北面典儀官贊樂舞生登歌執事官各共

迺職

以下自迎神至送神皆典儀官唱贊

贊引官奏就位

皇帝就拜位迺瘞毛血迎

神司香官奉香盤進司樂官贊舉迎

神樂奏祈豐之章贊引官奏就上香位恭導

皇帝詣香案前司香官跪進香贊引官奏上香

皇帝立上柱香次三上瓣香奏復位

皇帝復位奏跪拜興

以下行禮皆有奏

皇帝行二跪六拜禮王公百官均隨行禮奠帛行初
獻禮司帛官奉篚司爵官奉爵進奏華豐之章
司帛官跪奠篚三叩司爵官立獻爵奠正中皆
退司祝至祝案前跪三叩奉祝版跪案左樂暫
止

皇帝跪王公百官皆跪司祝讀祝畢詣
神位前跪安於案三叩退樂作

皇帝率羣臣行三拜禮亞獻奏興豐之章司爵官獻

爵奠於左儀如初獻終獻奏儀豐之章司爵官
獻爵奠於右儀如亞獻徹饌奏和豐之章徹饌
畢迺送

神奏錫豐之章

皇帝率羣臣行二跪六拜禮有司奉祝次帛次饌次
香恭送座所

皇帝轉立拜位旁西嚮候祝帛過復位贊引官奏禮
成恭導

皇帝出戟門陞輿不陪祭地方官跪送於廟門外不陪祭扈從官跪迎於

行宮門前

皇帝還

行宮衆皆退○

鑾輿所至方鎮及所過名山大川均遣官致祭儀與祭

地祇壇同○遇

國家大慶典致祭

嶽鎮海瀆以二品至四品京堂官充使以禮部太常
寺筆帖式齋祝文香帛導以繖仗龍旗諏日發
京師往祭東嶽泰山於山東泰安府東鎮沂山於
青州府南嶽衡山於湖南衡州府南鎮會稽山
於浙江紹興府中嶽嵩山於河南登豐縣中鎮
霍山於山西霍州西嶽華山於陝西華陰縣西
鎮吳山於隴州北嶽恆山於山西渾源州北鎮

醫巫閭山於

盛京廣寧縣長白山於黑龍江東海於山東萊州

府南海於廣東廣州府西海於山西蒲州府

望祭

北海於吉林

望祭

河瀆於山西蒲州府江瀆於四

川成都府淮瀆於河南唐縣濟瀆於濟源縣皆

帛一牛一羊一豕一登一鉶二簋簋各二籩十

豆十尊一爵三鑪一鐙二遣官前祭期致齋二

日將事行禮均與祭

地祇壇儀同○所在有司歲以春秋仲月諏日致祭
牲用羊一豕一餘儀與遣官致祭

嶽鎮海瀆同○直省府州縣各建

神祇壇中設

雲雨風雷之位左設本境

山川之位右設本境

城隍之位歲以春秋仲月諏日致祭以帛七羊一
豕一鉶二簋二簋二籩四豆四尊一鑪一鐙二

爵各三餘儀與直省祭

社稷同孟夏諏日行常雩禮如常雩後不雨自督撫至州縣咸率所屬致齋修省虔禱

神祇為民請命既應而報陳設禮儀均與春秋常祭同若久雨祈晴冬旱祈雪禮亦如之

凡祀

太歲之禮為殿於

正陽門外之西歲以正月上旬諏吉及歲除前一
日均遣官祀

太歲之神正殿

神位南嚮帛一牛一羊一豕一登一釧二簋二簋二
邊十豆十尊一爵三琖三十鑪一鐙二牲俎帛
篚冪勺咸具四時十二月各有主者分祀兩廡

東廡司春秋為位六均西嚮西廡司夏冬為位
六均東嚮兩廡各設二案每案帛三餘陳設與
正殿同先祀一日樂部設中和韶樂於殿內分
左右懸祀日日出前四刻遣官詣壇太常卿率
所屬恭請

太歲神位出龕安奉神座啟十二月神龕畢贊引太
常贊禮郎二人引遣官由拜殿南左門入出北
門降階贊引官贊盥洗遣官盥洗引由正殿左

階升至門外正中拜位嚮上立贊禮郎各二人
引兩廡分獻官於庭中夾甬道左右嚮上立典
儀官贊樂舞生登歌執事官各共迺職以下自
迎神至
望燎皆典
儀官唱贊武舞八佾進贊引官贊就位遣官就
拜位迺迎

神司香官奉香盤進司樂官贊舉迎

神樂

凡舉樂皆司樂
官唱贊後同

奏保平之章贊引官贊就上香

位引遣官入正殿左門詣香案前立司香官跪

奉香贊引官贊上香遣官立上柱香次三上辦
香贊復位引遣官復位贊跪叩興

以下行禮
皆有贊

遣

官行三跪九叩禮分獻官均隨行禮奠帛初獻
爵司帛官奉篚司爵官奉爵進奏定平之章舞
干戚之舞司帛官跪奠帛三叩司爵官立獻爵
奠正中皆退司祝至祝案前跪三叩奉祝版跪
案左樂暫止遣官跪分獻官皆跪司祝讀祝畢
奉祝版詣

太歲位前跪安於案三叩退樂作遣官行三叩禮分
獻官均隨行禮分獻官詣兩廡上香執事生奠
帛獻爵畢分獻官退復位樂止武功之舞退文
舞八佾進亞獻奏嘏平之章舞羽籥之舞司爵
官獻爵奠於左儀如初獻終獻奏富平之章舞同
亞獻司爵官獻爵奠於右儀如亞獻兩廡以次畢
獻均如初樂止文德之舞退太常官贊

賜福胙執事生二人奉福酒福胙詣

神位前拱舉降由中門出立遣官拜位之右執事生
二人進立於左遣官跪左右執事生皆跪右執
事生授福酒遣官受爵拱舉授左執事生受胙
亦如之三叩興偕分獻官行二跪六叩禮徹饌
奏盈平之章徹饌畢送


神奏豐平之章遣官行三跪九叩禮分獻官均隨行
禮有司奉祝次帛次饌次香恭送燎所遣官避
立拜位旁東面候祝帛過復位樂作引遣官仍

由左階降詣望燎位望燎告禮成引遣官出分
獻官以次退太常卿率所屬恭請

神位還御衆皆退○歲孟夏常雩後如不雨遣官祇
告祈雨得雨報祀百官應陪祀者咸與均與

神祇壇同日舉行樂章迎神奏需豐奠帛初獻爵奏
宜豐亞獻奏晉豐終獻奏協豐徹饌奏應豐送
神奏洽豐○水潦祈晴冬旱祈雪禮亦如之

天神壇祈禱圖



天神壇祈禱陳設圖

豆麋醢
葡萄

爵

桃仁

燭

雲師

爵

邊鹿脯邊簠

香篚帛

爵


榛仁

燭

豆兔醢
蓮子

四案同

天神壇報祀圖



天神壇報祀陳設圖

鹿脯
白餅
黑餅

黑餅

榛菱芡

邊鰐魚棗栗

棗栗





銅和藥
肝鹽

子
不
料

登大業

黍稷

美

稻梁

组



銅
和
美
莊



豆
醃
薑
道
鹿
醃

善道鹿醢





兔醢
第卅

魚醢
脾析
豚拍

脾析豚拍

燭

香 篚 帛

篋

燭

豕


牛

羊

雲師

四案同

地祇壇祈禱圖



地祇壇祈禱陳設圖

豆
鹿醢
葡萄

爵

桃仁

燭

五嶽

爵

邊
鹿脯
邊
紅棗

香
篚
帛

爵


榛仁

燭

豆
兔醢
蓮子

七案同

地祇壇報祀圖




地祇壇報祀陳設圖

五嶽

七案同

鹿脯 白餅 黑餅
榛 菱 芡
邊 鱸 栗
銅 和 羹
登 衣 羹
薑 稻 梁
豉 韭 菹
豆 醢 羹 薑 道 鹿 醢
魚 醢 脾 析 豚 拍
燭 香 篚 帛
燭

大歲殿祈禱圖



太歲殿祈禱陳設圖 報祀與祭祀同

豆鹿醢
葡萄

爵
桃仁

正位

爵
邊鹿脯邊紅棗

爵
榛仁


豆
魚醢

燭

香
篚
帛

燭

太歲殿祭祀圖



太歲殿祭祀陳設圖

正位南嚮

正位

太歲殿祭祀陳設圖
月將東西嚮

四案同

艾 鹿脯 白餅 黑餅

蓬棗 栗 榛 菱

鹽 鱮

爵酒 銅和羹

爵蓋 登大羹

爵三 登大羹

爵十 登大羹

黍 稷

藍 稻 苧米

銅和羹

筐帛

俎

豕 牛 羊

鑪

鑪

豆 藿 鹿醢 芹道 兔醢

藿 魚醢 脾析 豚拍

鑪

豕

艾 鹿脯 白餅 黑餅

蓬棗 栗 榛 菱

鹽 鱮

爵酒 銅和羹

爵蓋 登大羹

爵三 登大羹

爵十 登大羹

黍 稷

藍 稻 苧米

銅和羹

筐帛 俎

羊

牛

豕

鑪

豆 藿 鹿醢 芹道 兔醢

藿 魚醢 脾析 豚拍

正月月將之神
二月月將之神
三月月將之神

欽定大清會典卷四十七



總校官候補中書臣吳紹潔

校對官編修臣莫瞻菴

謄錄監生臣周翥華

繪圖監生臣竇光國

欽定四庫全書薈要

史部

欽定大清會典卷

四十八至
五十

詳校官編修臣繆晉



欽定四庫全書薈要卷八千二百七十七

吏部

欽定大清會典卷四十八

禮部

祠祭清吏司

羣祀一

凡祀

北極佑聖真君之禮歲以

萬壽聖節遣官致祭



北極佑聖真君於地安門外日中坊橋東顯佑宮

神位南嚮帛一餅餌果實二十盤茶棧三鑪一鐙

二祀日和聲署陳樂於右階上

自迎神至望燎皆奏樂餘祀同

日出前二刻遣官朝服詣廟贊引太常贊禮郎

二人引遣官由廟左門入盥洗畢升左階入殿

左門就正中拜位前北面立典儀官贊執事官

各共迺職

以下自迎神至望燎皆典儀官唱贊

贊引官贊就位遣

官就拜位迺迎

神司香官奉香盤進贊引官贊就上香位引遣官
詣香案前贊上香司香官跪奉香遣官上柱香
次三上辨香畢贊復位遣官復位贊跪叩興
行禮皆有贊遣官行三跪九叩禮奠帛行初獻禮司
帛官奉篚司茶官奉琖進至

神位前司帛官跪奠帛三叩司茶官立獻琖奠正
中皆退司祝至祝案前跪三叩奉祝版跪案左
遣官跪司祝讀祝畢奉祝版詣

神位前跪安於案叩如初退遣官行三叩禮亞獻
司茶官獻瓊奠於左儀如初獻終獻奠於右儀
如亞獻迺送

神遣官行三跪九叩禮有司奉祝次帛次香恭送
燎所遣官避立拜位旁東面俟祝帛過復位引
遣官望燎告禮成退

凡祀

司火神之禮歲以季夏下旬三日遣官致祭

司火之神於地安門外日中坊橋西火神廟

神位南嚮帛一牛一羊一豕一果實五盤尊一爵
三和聲署設樂遣官朝服行禮迎神上香奠帛
讀祝三獻爵送神望燎均如前儀

凡祀

礮神之禮每間二歲以季秋月朔陳列八旗漢軍
礮位於蘆溝橋之北均西嚮遣八旗漢軍都統或
副都統八人承祭叅佐領陪祭每旗異案各設

神位

以紙為之

皆羊一豕一鑪一鐙二爵三殘二十共

尊二設祝案於鑲黃旗

礮位前祀日日出前二刻太常贊禮郎各二人引
八旗承祭官具補服各詣本旗

礮位前東嚮立典儀官贊執事官各共迺職贊引
官贊就位引承祭官各就拜位立司香官各奉
香盤進贊引官引各承祭官詣香案前贊上香
承祭官各上柱香次三上瓣香贊復位引承祭

官復位贊跪叩興

凡行禮皆鑲黃旗礮位前贊禮郎唱贊

承祭官

各行三跪九叩禮八旗陪祀叅領佐領等官咸
補服隨行禮初獻司爵官各奉爵進立獻爵奠
正中皆退司祝至祝案前跪三叩奉祝文跪案
左承祭官跪陪祀官皆跪司祝讀祝畢奉祝版
詣鑲黃旗礮位前跪安於案叩如初退承祭官
暨陪祀官行三叩禮亞獻司爵官獻爵奠於左
儀如初獻終獻奠於右儀如亞獻畢奉

神位及祝文同送燎所承祭官各避立兩旁贊引
官各引承祭官望燎告禮成皆退○漢軍祀礮
後火器營祀

礮神於蘆溝橋遣火器營總統一人承祭叅領等
官陪祭儀均與漢軍同

羣祀二

凡祭

都城隍神之禮歲以

萬壽聖節遣官致祭於都城西南隅都城隍廟

神位南嚮帛一牛一羊一豕一果實五盤尊一爵

三鑪一鐙二祭日和聲署設樂於西階下

自迎神至

望燎皆奏樂餘祭同

日出前二刻遣官朝服詣廟贊引太

常贊禮郎二人引遣官由廟左門入盥洗畢升

東階至殿門外就正中拜位前北面立典儀官

贊執事官各共迺職

以下自迎神至望燎皆典儀官唱贊

贊引官

贊就位遣官就拜位迺迎

神司香官奉香盤進贊引官贊就上香位引遣官

由殿中門入詣香案前贊上香司香官跪奉香

遣官上柱香次三上辨香畢贊復位遣官復位

贊跪叩興

以下行禮
皆有贊

遣官行三跪九叩禮奠帛

行初獻禮司帛官奉篚司爵官奉爵進至

神位前司帛官跪奠帛三叩司爵官獻爵奠正中

皆退司祝至祝案前跪三叩奉祝版跪案左遣

官跪司祝讀祝畢奉祝版詣

神位前跪安於案叩如初退遣官行三叩禮亞獻
司爵官獻爵奠於左終獻奠於右儀均與初獻
同送

神遣官行三跪九叩禮有司奉祝次帛次香恭送
燎所遣官避立拜位旁東面候祝帛過復位引
遣官望燎告禮成引退○秋日諏吉遣官致祭
陳帛一牛羊豕各一釂二簋簋各二籩豆各十
尊一爵三迎神上香奠帛三獻爵讀祝送神望

燎均如前儀

凡祭

東嶽神之禮歲以

萬壽聖節遣官致祭朝陽門外東嶽廟

神位南嚮帛一牛一羊一豕一果實五盤尊一爵

三鑪一鐙二和聲署設樂承祭官朝服行禮如

儀

凡祭

黑龍潭神之禮歲以春秋諏吉遣官致祭

昭靈沛澤龍神於都城北三十里金山之麓

神位東嚮帛一羊一豕一釧二簋二簋二邊十豆
十尊一爵三鑪一鐙二和聲署設樂承祭官朝
服行禮如儀

凡祭

玉泉龍神之禮歲以春秋諏吉遣官致祭

惠濟慈佑龍神於玉泉山

神位前陳設及祭儀均與祭

黑龍潭龍神禮同

凡祭

后土

司工神之禮有大興作遣官各一人致祭工部官
隨營造所在設左右二壇太常官書

后土之神

司工之神各為位南嚮皆帛一羊一豕一餅餌果

實二十盤尊一爵三鑪一鐙二和聲署設樂承
祭官朝服行禮均如儀

凡迎吻祭

審神

門神之禮遣官各一人承祭工部官為壇於琉璃
審及經過之

壇

廟正門

正陽門

皇城

紫禁城各門和聲署設樂於各壇前設導迎樂於琉璃窯門外太常官設

神位陳羊豕餅餌果實香帛尊爵鑪鐙與祭

司工禮同遣官暨禮部太常寺有職事工部內務府在工各官咸朝服簪花披紅迺陳吻於窯前太常贊禮郎引遣官詣琉璃窯

神位前各門

神位前行禮均與祭

司工禮同祭畢導迎樂作鑾儀衛校舁吻禮部太
常官前導承祭官從所經諸門陪祀官及執事
官各於門前恭迎至工所管工官列班恭迎以
入俟安吻事竣各退

凡祭

司倉神之禮歲以春秋諏吉遣倉場侍郎致祭

倉儲之神左翼於海運倉右翼於興平倉朝陽門
外於儲濟倉通州於大西倉皆有廟

神位均南嚮各帛一羊一豕一果實十盤尊一爵
三鑪一鐙二承祭官率各倉監督咸朝服行禮
如儀

欽定大清會典卷四十八